

دار الفنون

حقوق فائزین و لایقین مجتهدین

مقوق ، اقتصادیات

ایکي آمده بر نشر اولنور

مندرجات

قسم حقوقی :

حق حبس حاجی عادل
لوزان معاهده سی معمر راشد
یکی تورکیا حقوق مدنی سی تدقیقاتنه مدخل صاوزه رمال (مترجلی) دانش سعید ، صدیق سامی

قسم اقتصادی :

استقراض و دیون عمومی عینی زاده حسن تحمین

لوزان معاهده سی

۱ - تاریخچه

لوزان معاهده سنک وجوده کتیردیکی تحولات مهمه بی حقیله تقدیر ایده بیلیمک ایچون بر طرفدن حرب عمومینک عوامل انفلاقی تدقیق ایتک، دیگر طرفدن ده بو معاهده سنک احکامیه حل و برطرف ایدیلش ماضی به عاند مسائله ارجاع نظر ایله مک لازم کلیر. زیرا حرب عمومی به اشتراکز آنجق کندی نقطه نظر مزدن تدقیق ایدیلجک بر مسئله دکدر. اشتراک ایتدی کمز بو حادثه مک بز نالی اشخاصندز. سنه لردنبری احضار ایدیلجک اولان بو حادثه سیاسیة مهمه ده تاریخک تأثیری و هر حاله عوامل اجتماعیه و اقتصادیه و سیاسیة ایله برلکده هر مملکت ارباب سیاستنک رولی بولمشدز. بناء علیه لوزان معاهده سنک تاریخچه سی دیمک حرب عمومی بی تولید ایدن اسباب مختلفه مک و حرب عمومی به اشتراکز سائق اولان عواملک نظر تدقیقندن کچر یلدی دیمکدر.

لوزان معاهده سنک بذیه سیاسیة و اجتماعیه مزده و دیگر دولتلرله مناسب اتمزده وجوده کتیردیکی تحولاتک آکلا شیلما سی ایسه ماضی ده جاری اولان اصولک تفرعانیله بیلنمسنه متوفقدز. بونک ایچوندرک لوزان معاهده سنک تدقیق احکامنه کیریشمزدن اول ایکی نقطه نظاردن ماضی بی تدقیق و اسباب مختلفه بی تحلیل ایله جکز.

فی الحقیقه حرب عمومی؛ سیاسی، اقتصادی، اجتماعی بر جوق اسبابک تحت تأثیرنده وقوعه کلشدز. بو اسبابی حقیله آکلا به بیلیمک ایچون هیچ اولمازسه ۱۸۷۰ سنه نه قدر ارجاع نظر ایلیدر. معلومدرک ۱۸۷۰ فرانسه-آلمان حربی اوزمانه قدر موجود اولان موازنه سیاسیة بی کلیاً اخلاص ایتمشدی.

واقعا ۱۸۶۶ ده آوستریانک مغلوبیتی اوروپای وسطی وضعیتنده بر تبدل وقوعه کتیرمشدز. فقط آوستریانک نفوذ سیاسیسی تحدید و پرو-یانسککنی ایسه توسیع و تزید ایتمش اولان (آوستریا و روسیا) حربی، هر نه قدر فرانسه ایچون مشغوم اولمش ایسه ده اوروپا

موازنه‌سند فرانسه مغلوبی قدرمؤثر اولامامشدر. اونك ایچوندرکه ۱۸۷۰ تاریخی وقوعات آتیه ایچون مبدأ اتحاد ایتمکده یز .

بیسمارک اولا آوستریایی و صوکره فرانسه یی مغلوب ایتمکدنصوکره بو ایکی مغلوبک یکدیگر بیه برلشمه‌سینه مانع اولدی. بونك ایچونده برینی کندیسینه ربط، دیگرینی سیاست عالمدن تجرید ایلدی. آوستریا ایله آلمانیا آره‌سند نهایت بر رقابت موجود ایدی. فرانسه ایله آلمانیا ایسه اوتهدنبری یکدیگرینك خصم جانی ایدی . بیسمارک آوستریایی مغلوب ایتمکدن نصکره کندیسینه بندایتمسی، ایشته بوسیدن قولای اولدی. بوبابده قولاندینی سیاست ایسه آوستریا به باشقه بر ساحه فعالیت کوسترمک و بوساحه فعالیتده یعنی شرقده روسیه ایله آره‌لرنده رقابت آچارق آلمانیا ایله اتفاقی اوستریا ایچون الزم حاله کتیرمک اولدی. ۱۸۷۰ تاریخدن اولکی موازنه‌دن نمون اولمایان بر دولتده روسیه ایدی ۱۸۵۶

پارس معاهده‌سنك تأسیس ایتمیکی تقییدات ، هم روسیه‌نك آمال استیلاکارانه‌سینه حائل یعنی بوغازلری راستانبولی اشغال صورتیله توسیع اراضی ونفوذایتمه‌سینه مانع، هم ده قره‌دکزه حاکمیتك صورت مطلقده جریانله انکل اولمده ایدی. معلومدرکه ۱۸۵۶ پارس معاهده‌سی روسلرک قره‌دکزه استحکام انشاسنه وسفائن حریبه بولندیر ماسنه مانع اولمشدی ؛ دیگر طرفدن بوغازلردن مرورده تقید ایدلمشدی .

پارس معاهده‌سی اوچنچی ناپولیونك آثارندن عدا بدیلدیکی ایچون روسیه‌نك فرانسه به قارشو بوسیدن طبیعتیله بر اغبراری واردی. بیسمارک ایسه روسلرک بو اغبرارلرینی تنمیه‌دن خالی قالماقده ایدی. روس (شانسلیه) سی، باش وکیلی غورچاقوف ایله مناسباتنده بیسمارک غایت ریاکار بر بول طوتمشدی. غورچاقوف بیسمارقه آلدانمش وخیلی امیده دوشمش اولدینی ایچوندرکه آلمانیاك کرک آوستریا وکرکه فرانسه ایله اولان محاربه‌لرنده روسیه‌نك بیطرفانی محافظه ایتمسی موافق کورمش وموجود موازنه‌نك اخلاصه چالیشمشدر. فرانسه‌نك مغلوب اولدینی صیرملرده غورچاقوف کمال ممنونیت وجسارتله پارس معاهده‌سنك وضع ایتمیکی تقییداتی روسیه‌نك وضعیق ایله غیرقابل تألیف کوره‌رك الفایتمدیکنی اعلان ایلمشدی. روسیه‌نك خود بخود تعهداتندن تخلص صورتیله امضاسنی محتوی بولنان بر معاهده احکامنی الفایه قیام ایتمسی دیگر واضع الامضا دولتلرک پروتستوسنی انتاج ایتمدی. روسیه‌نك بحر سفیده ایتمه‌سینه ممانعت ایدن دولتلر میاننده باشلیجه انکلتزه واردی که اک شدتلی پروتستوده اونك طرفدن واقع اولمشدر. برطاق مذاکراندن صوکره بوغازلره عائد احکامک

تعیین و تثبیت ایچون بر قونفرانس عقدینه قرار ویرلدی. روسیه الغا کیفیتنی کری آلاماق شرطیله قونفرانسه اشتراك ایتدی. مذکور قونفرانسه بوغازلرک وضعیت حقوقیه سی تعیین اولندی. روسیه نك تقیداتدن قورتولمایه چالیشماسی آمال استیلا کاریسینه کرمی و برمک و بونك ایچون ده تورکیه ایله حرب اسبابنك و حریده عوامل موفقیتك احضاری و تأمین غایه سنه معطوف ایدی. بنابرین تقیداتدن قورتیلیر قورتولمازا ستحضارات حربیه باشلادی. اساساً آلمانیا نك بالمقابله معاونت و مظاهرتنه کونمکده اولدیغندن ۱۸۷۵ ده بوسنه و هر سك اختلالنك توسعنی وسیله عدایدرک تورکیه یه اعلان حرب ایتدی.

بیسمارک داها حرب و قوغندن اول استانبول قونفرانسینده بیله روسیه یه قارشى ایکی یوزلی برسیاست قوللانمقده ایدی. روسیه آلدانیدیغی بالاخره برلین قونفرانسینده آکلادی. معلوم درکه برلین قونفرانسى روسیه یی آیاستفانوس معاهده سنك بخش ایتدیکی بر طاقم منافعدن محروم ایتدیکی کبی روس سیاستده حائل اولمشدر. آیاستفانوس معاهده سنك وجوده کتیرمک ایسته دیکی بوبوک بولغارستان برلین معاهده سنده کوچولولمش و بوندن قوپاریلان روم ایلی شرقی حاکمیت عثمانیه آئنده بر ایالت اولق اوزره طاینمشدی. بو مسئله ده آووستریا و مجارستان آلمانیا یه مربوطیتنك مکافاتنی کوردی هیچ قان دوکمکسزین بوسنه و هر سكه وضع ید ایتدی قان دوکمکسزین حصه آلانلر میاننده انکلتزده واردی اوده ۴ حزیران ۱۸۷۸ تاریخلی معاهده ایله قبری سك اشغال و اداره سی کندیسینه ترك ایتدیرمشدی. آلمانیا ایسه آنجق نفوذنی نزدیک ایله اکتفا ایتمشدر. بونفوذ آووستریا ایله فرانسه یی برلشمکدن منع ایدمک و آووستریا ایله روسیه یی دائرة سیاستده چارپیشدیره جق صورتده جاری اولدیغندن بالنتیجه آووستریا ایله آلمانیا ۱۸۷۹ ده عقد اتفاق ایتدی.

تونس مسئله سندن دولای فرانسه ایله آراسی آجیلان ایتالیا ۱۸۸۲ تاریخنده بواتفاقه التحاق ایتدی. و بوضورتله اوچ مجاور دولت آره سنده اوروپایی کرک ساحه و کرک سیاست اعتباریله آیران بر اتفاق مثلت وجوده کلدی. آلمانیا نك سیاسی بوضورتله هم فرانسه یی و هم ده روسیه یی تجرید ایتمش بولینوردی.

بو ایکی دولت عالم سیاستده یالکز قالدقلى کبی هرایکیسینده ده آلمانیا یه قارشو برحس اغبرارحق فکر انتقام موجود ایدی. فرانسه مغلوبیتنك ، روسیه ده ثمرات ظفردن محرومیتنك انتقامی دوشونمکده ایدیلر. ایسته بواسباب تأثیر یله درکه آلمان سیاستنك مصائبه دوچار اولان فرانسه ایله روسیه ایچون ماضیده کی بعض خوشنودسز لقلره رغمناً مقارنت

ایتمک بر امر ضروری اولدی. بو مقارنت بالتیجه روسیه ایله فرانسه اتفاق و وجوده کتیردی. (۲۲ اغستوس ۱۸۹۱)

فرانسه ایچون بو اتفاق، نه درجه قیمتدار اولورسه اولسون وضعیت سیاسی سی و آلمانیا قارشو موقعی تحکیمه کافی کلمدیکندن و علی الخصوص فرانسه نیک دیگر قوم مشو می و عصر لر دن بری خصمی و مستملکه سیاستنده رقیبی اولان انکلتزه بر طاقم مسائل طولایسیله ایکیده برده کن دیسی از عاجدن خالی قالدیغندن فرانسه ؛ آلمانیا و انکلتزه کی ایکی قوی خصم دن بری دها دو غریبی او زمانکی سیاست و وضعیتنه اک موافق و مفید اولانی کن دیسنه جلب ایتمک صورتیله هم از عاجندن قور تولق و هم ده وضعیت سیاسی سی اصلاح و تحکیم ایتمک مجبوریتی حس ایتدی. ایشته بونک ایچوندرکه ۸ نیسان ۱۹۰۴ تاریخنده فرانسه عقد ایتدیکی بر طاقم ائتلافنامه لرله هم انکلتزه ایله منازع فیه اولان مسائلی حل ایتمش، هم ده آرده کی خصومت و رقابتی ازاله ایدرک انکلتزه نیک مظاهرتی تأمین ایتشد.

فرانسه، فاسک اسباب استعلاکی تهیه ایتمکله مشغول اولدیغیچون انکلتزه نیک مصر ده سربستی حرکاتی قبول ایتمک صورتیله فاس مسئله سنده انکلتزه نیک بی طرفلغی تأمین ایتشدی. فاس حقنده کی سیاستی هر درلو مداخله دن وارسته بیراق ایچون فرانسه، بو تاریخنده اسپانیا ایله ده ائتلاف ایدرک هر ایکی مملکته عائد مناطق نفوذی اونکله بالاشترک تعیین و تحدید ایتدی. بینه ظاهر آ فاس مسئله سی مناسبیله ایتالیایی ده دائرة ائتلافه ادخال ایلدی. بوائتلاف لر، فرانسه نیک مستملکه سیاستنک لوازمندن کی کورونیورسه ده فرانسه نیک بو وسیله ایله دها مهم بر طاقم تشبثات سیاسییه کیریشدیکی حادثات ایله تحققی ایتشد. خلاصه فرانسه نیک بو طرز حرکتی ایله آلمانیا قارشو احاطه سیاستی ترتیب ایتدیکی و مدافع دن زیاده آلمانیا یی بالکیز بر اقبایی و اضرار ایتمه یی تضمن ایدن بر سیاسی التزام ایتدیکی بر آز تعمیق کیفیتله آکلا شیلور.

بو ائتلاف لر دن آلمانیا طبیعتیله تلاش و اندیشه یه دوشمشدی. آرا ده حاصل اولان کرکینلک الجزیره قونفرانسندم موقتاً ازاله ایدیلدی. معلوم درکه بو صیرالده ژاپونیا ایله فرانسه نیک متفی روسیه آرمنده حرب اولقده ایدی. آلمانیا ده ۱۹۰۴ تاریخنده یعنی ائتلاف لرک عقد ایدیلدیکی تاریخنده انکلتزه - فرانسه مقارنتنه و فرانسه نیک فاسی استعمار خصوصنده کی املنه قارشو در حال اعتراض سرد ایتمکن زیاده شکواسنی مانجوری محاربه سنک نتیجه سنه تعلیقی ترجیح ایتدی. زیرا فرانسه نیک متفی اولان

روسیه نك اقصای شرقده مغلوبیته دوجار اولماسی، فرانسه یی ضعیف دوشوردیکندن آلمانیا فرانسه نك بو ضعفندن استفاده یی داها موافق کوردی .

شو ایضا حاتندن ده آکلاشیله جنی اوزره ۱۹۰۴ تاریخنده وقوعه کان حادثات غایت بویوک بر اہم بق حائز و [بر مؤلفک دیدیکی کبی] حرب عمومی یی تولید ایدن اسیابدن معدود بولمیشدر . زیرا بو تاریخده کی ائتلافلر؛ اتفاق مثلتک قارشیسنه بالقوه بر ائتلاف مثال و آلمانیا نك تجرید و تفریق سیاستنه مقابل فرانسه نك احاطه سیاستنی چیقارمیشدر . فرانسه ایچون بوتاریخلرده سیاستنی ایلریلتمه یه هیچ بر مانع یوقدی . زیرا ایمپراطورلنک تأسسندن بری پی در پی تزئید قوت و قدرت ایدن و هر کون اراضی و مستملککسی توسیع ایدن خالی قالمایان آلمانیا نك بو درجه اکتساب نفوذ ایتسنی منافعه هیچده موافق کورمه ین انکلتره ، بو قوص قوجه بری دولتک د کزلرده ده حاکمیتی آلد ایتمی امل ایدیندیکنی کورونجه اسکی خصوصتی بر طرفه بر افاراق روسیه ایله ده ائتلافه تمایل ایتدی . بر طرفدن فرانسه ایله ژاپونیا یکدیگرینک آسیاده کی اراضیسنی متقابلاً تحت امنیتہ آلمق اوزره ۱۰ حزران ۱۹۰۷ تاریخنده ائتلاف ایدرکن دیگر طرفدن انکلتره ایله روسیا افغانستان و ایرانه قارشو وضعیت سیاسیہ لرینی تنظیم ایتک امل ظاهر یسیله ۳۱ اغستوس ۱۹۰۷ تاریخنده عقد ائتلاف ایتمشدری .

فرانسه ایله انکلتره نك متفق ژاپونیا و انکلتره ایله فرانسه نك متفق روسیه آره سنده عقد ایدیلن بو ائتلافلر ۱۹۰۴ ائتلافنک متممیدر . اساسی ۱۹۰۴ ده قوریلن ائتلاف مثال بو تاریخده تکمیل ایتمشدر . غربیدرکه اوووپا بویله جه ایکی اردوگاهه آریلارق حرب حاضر لقلری کورورکن ینه بوصیرالده صلح قونفرانسلی عقدندن کری طورمایوردی . ۱۹۰۷ تاریخلرنده مقرراتی اعتباریله اولدقجه مشمر و سیاستک ایچ یوزینی بیلیمینلرایچون آتی یه نظر آ امیدبخش ایکمنجی صلح قونفرانسی عقد ایدیلمشدر . فاس مسئله سنده کی پروزلر الجزیره قونفرانس ایله حل و تسویه و دولتلرک حرص و طمعی بر طاقم معاهداتله تسکین اولندقدن صوکره آوروپانک انظار اشتہاسی شرقه توجه ایتمشدی . فاس ایچون اولدینی کی صورت ظاهرده ممالک عثمانیہ یی اعمار و غیر مسلم اہالی یی ترفیه مقصدیله ؛ حقیقتده تقسیم غایہ سیله دولتلر آره سنده مذاکره ، حکمدارلر ایله سیاسیون آره سنده ملاقاتلر وقوعه کلمکده ایدی . اوتہ دنبری اداره مستبدہ دن یزار اولان و آوروپانک مداخلتنه قارشو عجز ایله مقابله ایدن باب عالی نك ضعفندن مشتی و متضرر بولنان تورکلر بر غیرت

وطنيروانه ايله ۱۹۰۸ انقلابی وجوده کتيردیلر . مع مافیه مملکتده حربتك تأسيسی خارجاً آرزو ایدیلان تأثیری ایقاع ایدمدی .

انقلابی آقیشلارکی کوررنن آروپا باشمزه بر طاقم غوائل چیقارمقدن خالی قلمادی . بر طرفدن تبعه آرسنه نفاق صوقاغه اوغراشانلر ؛ دیگر طرفدن آچیقندن آچیه اجزای ممالکی آیرانلر اکیسک دکلدی . فردای انقلابده آوستریا بوسنه هر سکی الحاق، بولغارستان استقلالنی اعلان ایتدی . بویوزدن آروپا ایچون اولدایجه مهم مسائل تحمیت ایتدی . آروپا دولتری مناسبانده کرکینلک حاصل اولدیغندن بر حرب احتماله قارشو آلمانیاک آوستریا بحارستان لهنه مداخله سی واقع اولمغه روسیه مطالبندن فراغته مجبور اولدی . بالنتیجه ۲۶ شباط ۱۹۰۹ ائتلافیه بوسنه - هر سک و ۱۹ نيسان ۱۹۰۹ استانبول مقاوله سیله و ۸ کانون اول ۱۹۰۹ پترسبورغ مقاوله نامه سی موجبجه بولغارستان مسئله سی و بونلرک تفرعات مالیه سی حل ایدیلدی . بوبرنجی ائتلافامده قایتولاسیونلرک الفاسنه تماس ایدر نقطه لر واردر . آوستریا بحارستان دیگر دولتلرک موافقتی اولدیغی تقدیرده قایتولاسیونلرک الفاسی اساساً قبول ایتمش و دیگر دولتلر نزدنده وقوع بوله حق تشبثانده دولت عثمانیه به معاونت و تسهیلاتده بولونمای درعهده ایتشدی . بوصورتله قایتولاسیونلرک حاکمیت اقتصادی و عدلیه مزنی تضییق ایدمک ماهیتده جریان ایتدیکنه اشارت ايله مملکه برابر دیگر طرفدن رفع و الفاسی ایچون واقع اولان تشبثانلرک بویه بر تعهدهده اقتران ایتدیکنی کوروپورز .

خلاصه ، تنظیمات دورنده بوقیودک انکشافزه مانع اولدیغی رسماً اعلان ایتمش اولدیغمز کی ۱۹۰۸ انقلابی ده متعاقب حکومتجه متصور اولان اصلاحاتک اجراسنه بر مقدمه و بر عامل اولمق اوزره قایتولاسیونلرک الفاسی آروپانک انظار دقتنه عرض ایتشدک . مشروطیتک مملکت مزده احیا ایدلیدیکنی و یکیدن جریان باشلادیغنی سویلیه رک روم ایلیده موقع تطبیقه وضع ایدیش اولان مداخله کار اجرا آیه نهایت ویرمشدک . قایتولاسیونلرک الفاسی آرزو ایدیشمز طبیعتیه اجنبی مداخله سندن وارسته قالمق آرزوسنک بر نتیجه سی و ۱۹۰۸ انقلابنک مقصود اصلیه ده بو کیفیتدن عبارتدی .

آروپا ؛ شرق امورینک انتظام کسب ایتسندن هیچ بر زمان خوشالانه میه جنی جهته اصلاحاته میدان ویرمه مک ایچون مختلف دولتلر ، مملکت مزده مختلف عرقلری عصیان تشویقندن و ظاهراً داخلی ، حقیقتهده ایسه بین الملل ماهیتده بر طاقم مسائل احداثندن خالی

قالماورلردی . عثمانلی و حکومتی ایقاع ایدیلان اشبو مشکلات و غوائل داخله ، دها دوغریسی احتراصات خارجیه ایله چارپیشورکن دیگر بر طاقم دولترده توسیع نفوذ و جهانگیرک سودالرینه قابیلررق حرب عمومینک ظهورینی تسهیل ایله مشغولدی .

۱۹۱۱ سنه سنده دولتری اشغال ایتمش اولان فاس مسئله سی ، اوروپا سیاستنده کی درین یاره لرک بر علامت ظاهریه سی ایدی . اساس مسئله صنعی برسکون و موازنه حالنده طوران اوروپانک ایکی اردو کاهی آره سنده کیزلیدن کیزلی به دوام ایدن بر مجادله دن عبارتدی .

شو قدرکه فرانسه نک داخل بولندینی ائتلاف زمره سی ایتالیایی دیگر زمره دن آیرمش کی ایدی . معلوم درکه ایتالیا ، اتحادینی وجوده کتیرمک ایچون فرانسه دن یک چوق کره معاونت کورمش اولقله برابر فرانسه نک تونس استملاک ایتک ایسته می اوزربنه آلمانیا ایله عقد اتفاق ایتمشدی . عینی عرقدن اولان بو ایکی ملت آره سنده کی مقارنت عارضی اسباب دولایسیله آنحق برزمان ایچون خللدار اولمش ایسه ده فرانسه نک و قتیله سبق ایدن همتلرینه و آره ده کی مناسبت صریقه به بالخاصه منفعت انضمام ایتدکن صوکر موجود اغبرارک ازاله سیله صمیمیت یکیدن احیائی فرانسه و ایتالیا ایچون مشکل اولامادینی قولایقله آکلاشیور . نته کیم ده اوپله اولمشدر .

بحر سفید حوضه سنده اسکی روما ایمپراطورلغنک سطوتی احیا ایتک خولایسنده بولنان و هر حالده شمالی آفریقاده کی آمال استیلا کارانه سیله مشهور اولان ایتالیا ، فاس مسئله سنده کویستره جکی بیطرفلغه مقابل فرانسه طرفندن کندیسنه طرابلس غربده سربستی حرکت بخش ایدیلنجه متفق آلمانیا نک بزه قارشو اولان وضعیتی اشکال ایدوب اتمیه جکی دوشونمکسزین یداحتراصی بلا تردد طرابلس غربیه اوزآیدی . بی معنا برطاقم اعذار سردیله دولت عثمانیه اعلان حرب وسنه مذ کوره تشرین نانیسنده طرابلس غربی الحاق ایتدیکنی بیان ایتدی . اوشی معاهده سی ، ایتالیا ایله اولان حربیه نهایت ویردیک کی طرابلس غرب مسئله سی برصورت تسویه به ربط ایلدی .

ایتالیانک طرابلس غرب ایله مشغول اولدینی صیره لرده روسیه بزه قارشو بالقان اتفاقی احضار ایتمکده ایدی . پان اسلاویزم جریاننه قایلان چار اوتنه دنبری یکدیگرینه حال اختلافده بولنان صربستان ایله بولغارستانی باریشدیره رق کرک آوستریا مجارستانه کرک بزه قارشو متفقاً حرکتیه دعوت ایتک ایسته یوردی . معلوم درکه صربستان و آوستریا مجارستان ایله مجاورتی حسیدله بوبویوک دولتک عادتاً تحت تحکمنده ایدی . اساساً وضعیت جغرافییه سی

اعتباریہ کرک اقتصاداً و کرکسہ سیاسیاً آوسٹریا و مجارستانک نفوذ و تحکیمندن وارسہ قلامیوردی . دیگر طرفدن صربستانک توسعی آوسٹریا مجارستاندہ اسلاواک جریانی طولانیسہ ہابسبورغ خاندانی ایچون برتہدکہ تشکیل ایتمکدن خالی قلامازدی . صربستان ایسہ اوتہ دنیوی بوکونکی وضعیتنی الدہ ایتمکی دوشونیوردی . بناءً علیہ آوسٹریا تادیب اقتصادیه و سیاسیه ایلہ صربستانی باغلا دیغی بی صربستانہ قارشو بلغارستانی قوللانمقدہ کی منفعت و حتی ضرورتی آکلامشدی . شو حالہ برطرفدن صربستان ایلہ بولغارستانی یکدیگریہ قارشو قوللانمق و یکدیگریلہ چارپیشدیرمقدہ منفعت کورن آوسٹریا سیاسی ایلہ دیگر طرفدن بلغراد و صوفیہ حکومتلرینی بربریلہ اوزلاشدیرہرق اسلاواک دعواسنہ خادم قیلمق و پان جرمانیزمہ حائل اولمق و بالنتیجہ آوسٹریا و مجارستانی کوکندن صارصمق ایستہ یں روس سیاسی حال مجادلہ دہ دیمک ایدی .

آلمانیا ایسہ بیسمارکک بوایکی دولت حققدہ کی سیاستنہ بیسمارقدن صوکرودہ صادق قالمش اولدیقدن روسیہ بی آسیایہ تسلیط ایدرکن آوسٹریایی بالقانلرہ حاکم قیامقدہ لندن کلدیکی قدر غیرت و معاونت ابدانندہ قصور ایتہ مکدہ ایدی . بناءً علیہ آوسٹریانک برطرفدن آرنائوودلغہ ید استیلاسنی اوزانہرق صربستانی چنبر ایچنہ آلماسنہ و دیگر طرفدن صربستانی تماماً چیکنہ یلک سلاویک ایتہ سنہ غایت مساعد بولنیوردی . ایشہ روسیہ بونصورانہ حائل اولمش و تورکیہ نک روم ایلندہ کی اراضیسنی طوغریدن طوغری یہ اسلاو عنصرینہ حصرا ایتمک و بالنتیجہ اوتہ دنیوی غایہ خیالی اولان منافع مهمہ بی بزم اضمحلالمزدن تأمین ایتمک مقصدیلہ و آرزوسنک تحققدہ برمقدہ اولمق اوزرہ موضوع بحث ایتدی کمز بالقان اتفاقی وجودہ کتیردی . ۱۳ مارت ۱۹۱۲ دہ صرب - بولغار دوستلق و اتفاق معاهدہ سی عقد ایدیلہ رک ہر ایک کی حکومت برنجاوز حالندہ و یا خود تورکیہ نک بالقانلرہ کی اراضیسندن برجزؤمک ہر ہانکی بر دولت معظمہ طرفدن ولوتہ موقتاً اشغالی تقدیرندہ یکدیگریہ معاونت ایتمکی درعہدہ ایتشاردی . بومعاهدہ دہ برصلح منفرد عقد ایدیلہ سی و معاهدہ نک اجزای متممہ سندن اولمق اوزرہ برمقاولہ عسکریہ نک برآن اول عقدی تعہد ایدیلکدہ ایدی . بومعاهدہ نک ۱۹۲۰ سنہ قدر مرعی طوتولماسی و مع ہذا حرب دوام ایتدی کی تقدیردہ بوندن صوکرودہ احکامنک دوام ایتسی یعنی صلحک امضاسنہ قدر معتبر طوتولماسی مشروط ایدی . صرب - بولغار معاهدہ سنہ مربوط خفی برذیل واردی :
بوذیل روسیہ نک اتفاق مذکور و وجودہ کتیرمک ایچون نہ قدر مهم بررول اوینہ ایدیغی

کوستیر برنجی ماده‌سنده هرایکی حکومت آره‌سنده روسیه طرفدن ممانعت واقع اولمדיنی تقدیرده ائتلاف دائره‌سنده مشترکاً حرکت ایدیه بیلجه‌جکی و هرایکی حکومت آره‌سنده بر اختلاف وقوعی تقدیرنده روسیه‌نک بوندن خبردار ایدلسی لزومی و ائتلاف اولمדיنی حالده روسیه‌نک رأینه مراجعت و اتباع اولنه‌جفی مذکور ایدی . بوقسم، صلح عقدینه و فتوحات مستقبله‌نک صورت توزیعنه دائر موادی ده محتوی ایدی . ۲۹ مایس ۱۹۱۲ ده بولغارستان ایله یونانستان آره‌سنده بوکاشیه براتفاق معاهده‌سی عقد اولندی؛ مدت مرعیی اوچ سنه ایدی . بومنوال اوزره بولغارستان ایله قره‌طاغ آره‌سنده عقد اتفاق ایدیلدی . بالقان حکومتلرندن یالکیز رومانیایا بوندن خارج قالمشدی .

آوستریا ایله آلمانیا تهلیکه‌نک اوکنه کچمک ایچون خیلی اوغراشدیلر ایسه‌ده موفق اولامدیلر . ایشته‌ایتالیا ایله صلحک عقدی بوزمانه تصادف ایدر . آلمانیا، آوستریا بحارستان قدر بوصلحک عقدینی تعجیل ایتمشدر . ۲۹ ایلول ۱۹۱۲ تاریخنده ایسه بالقان حکومتلری جنراللری آره‌سنده مذاکرات جریان ایتمکده ایدی . برقاج کون صوکره قره‌طاغ تورکیه‌یه اعلان حرب ایتدی . دول معظمه کویا صلحک مختل اولماسنی آرزو ایدر کبی طاورانه رق دولت عثمانیه‌یه اصلاحات ایچون مذاکره‌بی توصیه ایدیورلردی .

بالقاندیلرک آغیر تکیلفلری قارنوسنده سلاحه مراجعتدن باشقه برچاره کوره‌مه‌مش اولان تورکیه ۱۸ تشرین اول ۱۹۱۲ تاریخنده اعلان حرب ایتمش وعینی کونده دیگر حکومتلرده اعلان حرب ایله مشلردر . یونانستان ده دیگر لرینه التحاق ایتدی . مع التأسف بالقان حربی تورکلرک علیه نتیجه‌لندی . بر طرفدن دول معظمه‌نک معامله و عدسکنا‌ه‌سی دیگر طرفدن بالقاندیلرک دورلو دورلو مظالمی تاریخک اونوتولیه‌جق چیرکین صحیفه‌لرینی وجوده کتیردی .

شوراسی شایان قید و موجب ممنونیتدرکه صورتاً، قوی بر رابطه ایله مربوط کبی کوریتن بالقان دولترلرینک روسیه دولتی حمایه‌سی آلتنده کی اتفاق معهودی ثمرات ظفرک اقطاعی اشناسنده تحدث ایدن اختلافدن کلاشیلدینی اوزره خاصه متانتدن محروم ایدی . بوضورتله صربستان ایله بولغارستانک دائره ائتلافده یاشامالرینک امر عسیر اولدینی ده تحقق ایتدی .

خلاصه، بالقان دولترلرینک احتراصاتی آره‌لرنده یکی بر حربک ظهورینه بادی اولارق بزم ایچون جزئی بر حرکت امکائی بخش ایتمشدر . بولغارستانه قارشى اولان مهاجمانه رومانیاده اشتراک ایتمشدر . بولغارستان اراضیسی استیلایه معروض قالدی؛ بوضرتله بزده قرق کلیسا

وادر نهی استرداد موفقی اولدق . روسیه یی آملزه موافق بولمش اولسه ایدک سابق منفق لک چارپشد قلی برصیره ده حرکات عسکریه یی داها ایلری به کوتوره بیلیردک . بودولنک تهدیدکار طوری بزی ادرنه نک استرداد ییله اکتفایه مجبور ایتدی . عقیم قالمش اولان مذاکرات صلحیه یکیدن باشلادی خصم لر مزله آری آری ائتلاف نامه لر عقد ایدیلدی . بکرش . ققاوله نامه سیده موقفاً اسکی منفق لری باریشدیردی . بالقان حربنک نتیجه سنده بز، روم ایللی یی تماماً دینه جک درجه ده واسع مقیاسده غائب ایتشدک؛ صربستانله یونانستان خیلی بویومش لردر .

بوحریده انکسار خیاله اوغرایان و متاثر اولان اولان بز صوکره بولغارستاندر . بناءً علیه بالقان حربنک نتیجه سی بر قسم دولتلر ایچون برناخشنودی تولید ایتشدی . تورکیه نک حریده ضایعاته اوغرامنه نظراً بولغارستانک فضله حصه آلاق تزید نفوذ ایتسنی ارزو ایدن آوستریا مجارستان بولغارلرک منفق لره قارشی مغلوبیتی اوزرینه متاثر اولمشدی . چونکه سلاویک لیانی یونانلیرک آله کچرمش اولمالرینی و صربلرک توسیع حدود ایتلرینی ماری الذکر سیاسی پروغرامنه منافی کوربیوردی . آراق آوستریا لیرک ائدیشه سی تحقق ایتش و بالقانلرده اسلاو عنصرینک قوت کسب ایتسی، آوستریا مجارستان ایچون پان اسلاویزم تهلمک سنی آتیرمشدی . ایشه بو صورتله آوستریا مجارستانده اسلاو اولمایان عناصر میانده شدید بر انفعال وجوده کلدی . پان جرمانیزم و پان اسلاویزم مجادلاننک بو صوک صفحه سی ملیت اساسنک نظریاتدن آری بر صورتده تطبیقانه ادخالندن باشقه برشی دکلدر .

ایضاحات سالفه دن اکلاشیله جنی اوزره اعتراف ایدلمک ایسته نیلمه یین احتراصاتی و بر جوق مظالمی سترایچون بر نقاب ریاشکلنده استعمال ایدیلن ملیت اساسنک ایکی ده برده وسیله حرب و تجاوز اخاذ ایدیلدیکی ظاهر در . ۱۸۶۶ آوستریا آلمانیا ۱۸۷۷ بالقان روس حربلری و نهایت بالقان محارباتی بونک مثاللیردر . بو محاربات، تخم فساد اکمکدن خالی قالمامشدره ایشه بوبان جرمانیزم - پان اسلاویزم مجادله سی شکلنده تجلی ایدن ملیت اساسی اکدیکی تخم فساد ایله جهان مدنیتده حرب عمومینک انفلاقنه باعث اولمشدر . ینه ایضاحات سالفه دن اکلاشیله جنی اوزره حرب عمومینک ظهورینه سبب اولان حادثات میانده ملت لیرک احتراصاتی کوریلور: مقدراتی کندی یدادار سینه آلان ملت لیر تاریخنک حکم دارلره اسناد ایتدیکی احتراصات و اعتسافاندن تمامیه تجرد ایده مامش لردر . باخصوص که بین الدول حائر نفوذ اولوق، منافع اقتصادی تأمین ایتک امل و حرص حکومتلرک تشویقیله اقوامک مخل حقوق حرکانه سائق اولمشدر . نته کیم آفریقای جنوبی محارباتی بوسیدن وقوعه کلدی

اقوام آردسندہ کی منافرت شدیدہ مخاصمانہ بازبارق دورینی خاطر لائن شدت لہر سبیت ویرمشد۔ جنوبی آفریقہ محاربائندہ بوئرلک و بالقان محاربائندہ اسلاملک دوچار اولدینی مظالم بوجہ دندر۔ حریص ملت لک اسباب سیاسیہ و اقتصادیہ تحت تأثیرندہ اولہرق بسلہ دکاری آمال استیلاکاری بہ مقابل مظلوم ملت لک دہ حس انتقام طاشمالری غایت طبیعیدر۔

حریص ملت لک ضعیف لردہ فکر انتقام تولید ایتمک لہ برابر کندی آرالزندہ رقابت و خصوصت حسلرینی اویندیرہرق آریجہ حرب عمومینک انفلاقہ سبیت ویرمشدرد۔ فی الحقیقہ فوق اللزوم استحصال اندہ بولنان اقوام، محصولات و معمولاتی جبراً ضعیف ملت لہ صائمق و بونک ایچوندہ جبراً مملکت لرینی ضبط ویا دورلو دورلو ناملر لہ استقلال لری مصادره ایتمک صورت لہ قول لاندق لری جبر و شدت سیاست لہ کہ بوتون عالمی محیط اولدینی ایچون بوکا سیاست جهانگیرانہ نامی ویریلشدرد۔ کندی آرالزندہ مخرج رقابت لری تولید ایتمش و بونک مخرج رقابت لری دہ کندیلری ایچون آفریقادہ و اقصادی شرقدہ منبع خصوصت اولمقدن خالی قالمامشدر۔ نتہ کیم فرانسه ایلہ ایتالیا آردسندہ تونس ایچون؛ کذلک فرانسه ایلہ انگلترہ آردسندہ نیل حوالیسی ایچون؛ انگلترہ، روسیہ و آمریکا آردسندہ اورتہ آسیا حاکمیتی و چینک پایا شلیماسی ایچون؛ فرانسه آلمانیا و اسپانیا آردسندہ فاس و آفریقانک دیکر لرلی ایچون رقابت و خصوصت وارایدی۔ روس - ژاپون محاربہ سی ۱۹۰۴ - ۱۹۰۵ بورقابت لک طبیعی ثمرہ لرندن ۱۹۱۱ طرابلس غرب حربی دہ احتراصات و اعتسافانک اک صریح نمونہ لرندندر۔

حرب عمومینک ظہورینہ باعث ولان اسبابدن بری دہ مارالذکر رقابت و خصوصت یوزندن موازنہ سیاسیہ مک خلددار اولماسی اندیشہ سیلہ؛ و کرکینلشن مناسبانک مصادمانہ منجر اولماسی منع ایتمک مقصدیلہ اولجہ ایضاح ایتمیکمز و جہلہ دول معظمہ بی ابکی آوردو کاهہ تقسیم ایدن اتفاق لک تأسیس ایدیلمش اولماسی و ابکی زمرہ مک یکدیگرینہ قارشی اعتماد سزلنی یوزندن متمادی صورتدہ تسلیحانده بولونماسیدر۔ برحمای خوف و مہراس ایچندہ متمادیاً تسلیحانده بولنان بوابکی زمرہ مک وضعیق «صلح مسلح» عنوانی بحق قازانمشدر۔ مصارف فوق العادہ بی استلزام ایدن بوصاح مسلح اقوامی حربہ ویا افلاسیہ سوروکامکسزین تمادی ایدہ مزیدی۔

بشریتک اسباب ترقی و تکاملندن غصب ایدیلان میلار لر بو حکومت لہر جہ خسیس منفعت لری استہداف و جانیانہ تصور لرلی استقصاء ایلین حرب و تخریب ایچون صرف ایدیلوردی۔ بوحالک و خلعتی

تخفیف ایچون توسل ایدیلن چاره لر ، کفایت سزک یوزندن ، عادتاً قورقیلان عاقبتی تعجیل و تسریع خادم اولیوردی . دینله بیلیرکه ظاهراً موازنه سیاسی ایچون اتخاذا ایدیلن بالجله تدبیرلر ، بالفرض صلح قونفرانسلری وسائر هپ کوزبویامق ایچون یاییلیوردی . خلاصه اجتماعی ، سیاسی ، اقتصادی بتون حادثات معروضه نك شدت تأثیرینه قارشو حربدن باشقه برچاره قالمامشدی . بوحرب عمومی اندیشه سی بدایت حربته ظهوره ککن حادثات سیاسی اثناسنده وجود بولدیگی کی ایتالیا نك طرابلس غریبه تسلطی اثناسنده حاکم بولمقده ایدی . بالفان حرب نك سالف لذر نتایجی دولایسیله اندیشه لر بوسبتون آرندی . عسکری استحضارات بوسبتون کسب شدت و اهمیت ابتدی . دینله بیلیرکه هر دولت دیگرینك تشبثات حربیه سنی عقبم برامق وبالنتیجه صلحی ادامه ایتك آرزوسيله حربی تعجیل ایدیوردی . ایشته بالقانن صیچرایان برقیغلیجم یوزندن چیقان و عمومی حرب دنیلن مدھش آفت ، خلاصه بیان ابتدیکمز بو اجتماعی ، سیاسی و اقتصادی عواملی کنديسنه معین بولمش و هیچ اومولماق بر زمانده بردنبره انفلاق ایتمشدر . آوروپا نك بنیه سیاسی و اجتماعی و اقتصادی سنی کمین مارالذر مدھش یارملرک و ماتلر آرمسندگی شدتلی برمنافرت و خصوصتک اثری اولان بوحربك ظهورینه غایت بسیط بر حادثه وسیله اولمشدر .

آوستریا ولی عهدی آرشیدوق فرانسووا فردیناند ، قوصوه محاربه نك سنه دوریه سی مناسبته بوسنه سرایده یاییلان مانورالرده حاضر بولندیگی صیراده برسوء قصده معروض قالمقده آوستریا نك صربلره قارشو اولان غیظ و کینی یکیدن اوپانه رق اووستریا مجارستان حکومتی طرفدن باغراد حکومتیه شدیدالمال بر اولتیا نوم ویریلدی . بو اولتیا نوم اوتهدنبری آوستریا نك صربلره قارشو طاشیمقده اولدیگی حس خصوصتک بر دلیل و وقوعات اخیره نك آوستریا ده موجب اولدیگی شدت تأثرک بربرهانی عد ایدیله بیلیر . ایکی حکومت آرمسندگی اختلافه متدائر اولدیگی حالده مع الأسف بو اولتیا نوم ارتق بوتون دولترجه ارزوایدیلیر بر حاله کلش اولان حرب عمومی بی تعجیل ایتدی . صربستانک بو ثولتیا نوم قارشوسنده آلدینی وضعیه روسیه حکومتی بیگانه قالمامشدی . بناءً غایه صربستانله آوستریا آرمسندگی باش کوسترن بو اختلاف نهایت دیگر دولترک توسطیله علاقه دارلر آرمسندگی حل و فصل ایدیله بیلیرکن حربیه تشنه اولان روسیه آوستریا آلمانیا فرانسه کی دولتر ایشی باصدیره جق برده بوسبتون علولندیرمک مسئله یه بر شکل عمومیت ویردیله ایشته بونك نتیجه سیدرکه ۱۹۱۴ سنه سی آغستوسنك ایکینچی کونی المانیا روسیه یه بعده فرانسه یه اعلان حرب

ایستدی . بالقان حربندن پک یاردلی چیقان دولنیز حرب عمومی به اشتراك صورتیه کنیدیسی بستیون تهلیکیه آتمایه بیلوردی . شو قدر وارکه اوتهدنبری باشمزه کلن بلیه لر هپ چار حکومتک اثر تحریکی اولدینی و بالقان حربی ده اولجه بیان ایدلدیکی اوزره روسیه نك اثر ترتیبی بولندینی و اجزای ممالکمزى بویه پی در پی بارچالادقدنصکره بوغازلره حاکم اولق ایچون وجودمزى احیا فیکرندن روسیه بر آن ایچون بیله فارغ اولمادینی جهته اساساً روسیه نك دائرة اتفاق و اتحادینه داخل اولان دولتلرده چار حکومتنه مماشاتکار بولنهرق تورک حکومتک اعاده قوت ایتمنه یاردیم ایتمه مکی مقتضای سیاست عدایتدکلرندن مملکتک محتاج بولندینی امنیت و رصاتی و انکشاف و ترقی بی خلاصه استقلالمزى هر نه بهاسنه اولورسه اولسون تأمین ایتک ضرورتی حاصل اولشدی . بناء علیه تورکیه بی بر طاقم ملتک احیایه چالیشدقلى و دیگرلرینک اھال ایتدکلى بر صیره ده مقتضای منفعت و سیاست یدمخادتنی اوزاتمش اولان آلمانیا ایله عقد اتفاق ایتشدک .

حرب عمومی اوتهدنبری متصور اولدینی ایچون آلمانیا بوغازلرک روسیه به فارشو بر حربده حائز اولاجنی اهمیتی نظر اعتباره آلارق تورکیه بی دائرة اتفاقنه داخل ایتک ایسته دی . بورایه تورک اردوسى تنسيق ایتک ایچون کلن آلمان قوماندانلری هپ بوغایه بی استهداف ایله مشلردی . ایشته ایکی طرفک محتاج اولدینی براتفاق سوق حادثاتله بویه تهلیکلی بر زمانده امضا ایدیلدی . (۲ اغستوس ۱۹۱۴)

دیگر دولتلر آلمانلرک بوراده کی وضعیتی کوردکلى و تصورلری سزدکلى ایچوندر که بعضیلری نمونیتله و بعضیلرده بزی الده ایدمه مە مکن متولد تأثرله بزی کندی حالزله ترك ایتشلردر . روسیه بوغازلرک اهمیتی ، قیمتی تقدیر ایتدیکی حالدله بوغازلرک مسدودیتدن متولد محذوری ، سدک کنیدیسی ایچون داعی اولاجنی تهلیکلی حقیقه تقدیر ایدمه مش واونک ایچونده تورکیه نك دشمن صفنده اولارق حرب عمومی به اشتراک کفی شدتله آرزو ایتشدی . اساساً حرب عمومی به کیرمش اولان دولتلر بو آفتک بو درجه تمادی ایدمه بیله جکفی خاطرلرینه کتیرمه مشلردی . آز زمان ظرفنده مسئله نك قیانه جفنی تخمین ایتدکلرندن روسلر بوغازلرک قاپانماسی اوزرینه کنیدیلى ایچون حادث اولان وضعیت مهمه بی جدیتله درپیش ایدمه مشلردر . بر مدت قلیله ظرفنده آلمانلره غالب کله جکلرینی واوندن صوکره استانبوله وضع ید ایدمه جکلرینی ظن ایدیورلردی . ایشته بوکا کووه نهرک اوتهدنبری انکلیزلرک متعرض بولندینی استانبولی آلق املی بو حربده روسلر انکلیزلرده قبول

ایتدیردیلر . روسلرک پیش خیالنده بویله معظم بر غایه بولونماسه ایدی او درجه شدتله
حربه کیریشمز و بیوده قاتلرینی اسراف ایتمزلدی . شو ایضاحانه نظراً آلمانلرک منفعتلری
ایجابی و روسلرک حرصاری نتیجه سی اولارق بزی طوعریدن طوعری به و طولایسیله
حربه سوروکلدکلی ظاهر در .

مع مافیة اتفاقه رغماً در حال حربه اشتراك ایتدک . ۳ اغستوس ۱۹۱۴ تاریخنده رسماً
بیطرفلغمز بیان و مدافعه مزی و قبیله احضار ایچون سفر برلک اعلان ایتدک . سفر برلک
اعلانی انکلتزه و فرانسه یی دوشونیدردی . ۷ اغستوسده انکلتزه مصرک وضعیتنی تبدیل
ایتمه چکنی ، ۱۶ اغستوسده فرانسه وانکلتزه تورکیه نك استقلالنه و تمامیت ملکیه سینه
رعایت ایدم جکارینی بیان ایتدیلر .

کوبن و برسلو و زره یارینک تورک صولرینه کلسی انکلز و فرانمزلی بسبتون
قیزدیردی . بوغازلرک سدی هیچده خوشلرینه کیتمدیکی حالده بونی انقطاع مناسباته
وسيله اتخاذ ایتدیلر . حتی بر اراق ایش ایشدن کچدکن صوکره بر طاقم وعدلرله از
جمله قایتولاسیونلری الفاوعدیلرله تورکیه یی کندی طرفارینه جابه چالیشدیلر . تورکیه اتخاذ
ایتدیکی تدابیر حربیه ایله اثنای مخاصمانده نه درجه مهم بر رول اوینایاجقنی دولتره
آکلاتش فقط دولتر بونی اولجه آکلایامادقاری ایچون آلمانیا ایله اولان اتفاق انکلز
و فرانسلرک تشبثاتی بوشه چیقارمشدر . نهایت دفع تجاوز ضمنتده یاووز ومدللنک
روس ساحلرینی طوبه طوتماسی اوررینه حرب بزم ایچونده امر واقع اولدی . مملکتتمزک
واسع و جبهلرک طاغینق اولماسی تورک اردوسنی صوک درجه چتین بر حربه سوق
ایتدی . وسائطمزک نقصان ، دشمنلریمزک کدیه و کیفیت فائق بولونماسینه رغماً مجادله ده
نجات کوستردک . بو مهلاک حرب سنه لرنده تاریخه قید ایدیلش ملی ظفرلرمن اولدی .
هر حالده بالقان حربندن پریشان و یورغون بر حالده چیقمش اولدیغمز ایچون بو حرب
بویوک بر موفقیت عد ایدیلر بیلور ! بو صورتله تورک عسکرینک قیمت حربیه سی ، تورک
ملتک متانت و جلداتی بر کره ده اتحقق ایتش اولدی . بونی کمال امنیت و قطعیتله
سویله یه بیلورزکه حرب عمومینک صوکلرند معروض قالدیغمز مشکل وضعیت برچوق
نقصانلرله برابر مملکتتمزک بر چوق مختلف عرقلردن ترکیب ایتسی و مختلف امللره
جولانگاه اولماسدن متجدندر . زمان اولمشدرکه تورک کندیسنه دشمن نظریله باقان عرقلک

قاریش قاریش طور اغنی کندی حیاتی بهانه سه مدافعه و محافظه ایتمش واک مدھش عداوتی
ینه اونلردن کورمشدیر .

حال بومرکزده ایکن روسیه ده متوالی اختلاللر یوزندن چارلغک سقوطی و روسیه نك
عادتا انحلالی و دیگر طرفدن رومانیانك انھزامیله باشدن باشه استیلاسی وقوعه کله رك
۱۹۱۸ سنه سی بدایتلارنده (بره ست لیتو و سق) و بکشر معاهده لری عقد ایدیله بیللمشدی .
بو موفقیتلر، متفقین اردوسی ایچون برتازیانه تشویق اولدی . بونك اوزرینه مهم تعرضلر
اجرا ایدلدی . مع التأسف بو تعرضلردن مطلوب اولان موفقیت الہ ایدیله مدی . علی الخصوص
بولغار اردوسند . وقوعه کلن انحلال ظفر نہائی امیدلرینی بوشه چیقاردی . ۱۹۱۸ ده
بولغارستانك امضالادینی سالانك معاهده سیله شرق جبهه سندہ آجیلان رخنه یالکز شرق
ایچون دکل غرب ایچون بیلہ تہلکہ تولید ایتدیکندن متارکہ عقدینہ ضرورت حاصل
اولدی . ۳۰ تشرین اولده موندروس و ۱۱ تشرین ثانی ده ورسای متارکہ نامہ لری
عقد ایدلدی . اوندن سوکرہ متفقلر ایچون و بالخاصہ تورکیہ ایچون بر سلسلہ فلاکت
باشلادی .

استانبول متارکہ شرائطنه مخالف اولارق اشغال اولوندی . برطرفدن بوراده انواع
مظالم ارتکاب اولنورکن دیگر طرفدن غربده طوبالانان متفق دولنلر رجالی عثمانلی
ایمپراطورلغک صورت تقسیمینی مذا کرہ ایتمکده ایدی . کرچه دها پک جوق زمان
اول عثمانلی دولتک صورت تقسیمیی ائتلاف دولنلرنجه تقرر ایتشدی . شوقدرکہ روسیه نك
میدان حربدن چکیلمسی اوزرینه اولجه منعقد ائتلافنامه لردہ تبدلات اجراسی طبیعی بولنمقدہ
ایدی . مقدما چارلق استانبولی و بوغازلری الہ کچیرمہ بی امل ایدینمشدی . ۱۹۱۵ مارتندہ
استانبول ایله جنوبی تراکیایی ایستدیکنی متفقلرینہ بیلدیردی . بونك اوزرینہ استانبول شہری
دیگر دولنلرک منافعی اھمال اولنمہ جق صورتده خصوصی بر نہجہ تابع اولوق اوزرہ
روسیہ یہ ترک ایدیلک خصوصندہ انکلتزہ ایله روسیه آراسندہ بر ائتلاف حصولہ کلدی .
چارلغک سقوطی اوزرینہ انکلتزہ استانبول مسئلہ سندہ روسیه بی استخلاف ایتک ایستہ دی .
بونك ایچونده کنديسنك حاکم بولندیفی بین الملل بز مراقبہ اصولی وضع واحداث ایتک
صورتیلہ استانبولی پی درپی کندی ید اداره و انحصارینہ کچیرمک چالیشدی . انکلتزہ نك
بورادہ کی افعال و معاملاتنی بزہ بونی واضحاً کوستردیکی کبی ۱۹۲۰ سنه سی مایسنك اون برندہ
ورسایده عثمانلی هیئت مرخصہ سنہ تبلیغ ایدیلان صلح معاهده سی متفی دہ مسئلہ نك وخامتنی

کیزله مک ایچون استعمال ایدیش اولان بر طاقم کلمات و تعبیراته رغماً حقیقی میدان قوی می شد. انکلتزه، صلح پروژه-نی بزه قبول ایتدیر مک ایچون تدهیش و تهریب سیاستک ایجابانندن هیچ برنی امال اتمه دی. استانبول بو وضعیت الیمه آلتنده ایکله رکن اناطولیده تورک ملت آچیقندن آچقه حقسزلقه، عدالتسزلیکه خلاصه ظام و خیانته قارشى عصیان و بویوک مرشدینه پرو اوله رق یکیدن یارادیلان قوتلرینی هم اشغال اردولرینه و اونلرک پیکلرینه و هم ده خیانتی ظام و باهر اولان پادشاهه قارشى قوللانمیشدر. صرف انکلیز سیاستک تأثیریه وجوده کتیریلان صلح پروژه-نی، تعبیر صحیحجه حجت اعدامی بیرتمق، پارچالامق ایچون اناطولی هیولا قیلندن اولان استانبول حکومتک ملته نسبتله هیچلرکنی و بالنتیجه بوقبیل معاهداتی عقده عدم قدرت و صلاحیتی اثبات صدندده تورک ملتق تمیل ایدن بویوک ملت مجلسنک تصویب اولمقسزین استانبول حکومتنجه عقد ایدیلرک بالجلله معاهداتک کأن لم بکن اولدیغی ۷ حزیران ۱۹۲۰ تاریخی بر قانون مخصوصله اعلان ایتدی.

کویا بویوک ملت مجلسنه قارشو بر اهمیت و قیمتی وار ایش کبی استانبولده ده بر شورای سلطنت تشکیل ایدیلرک صلح معاهدسنگ امضاسی مسئله سی، تشکیلات اساسیه دولدن خارج بر مجلس مشورتک راینه حواله اولندی. بوراده هواى حریتدن محروم و انواع مظالم ابله مظلوم بر طاقم کیمسه لر طوبیلا یه رق بوکی مسائلی بر اوت و یاخیر شکندده کندی آرزولرینی تطمین ایدرک بر قرار استحصال ایتمکدی. پادشاهک ایسه بوندن مقصدی کیمسه به مخفی دکلدی.

نته کیم بوشورا اعضاسی، اطرافنده دشمن سونکوسندن وقارشوسنده ظالم بر دشمن قوتندن باشقه برشی کورمه یین بویجاره لر، بو محیط اسارتده حجت اعدام قبول وامضاسی راینده بولوندیله. ایچلرندن یالکز بریسی استنکاف جسارتی کندنده کوره بیلمشیدی ۲۲ تموز ۱۹۲۰

ایشته بوتربیات ملتکارانه نتیجه سنده درک عثمانلی ایمپراطورلغنگ اضمحالاتی ناطق اولان سه ور معاهده سی ۱۰ اغستوس ۱۹۲۰ ده استانبول حکومتک کوندردیکی مرخصلر طرفندن امضا ایدیلدی. اناطولیده انوار شهامت بارلار، خارقه لر هر ملته پارمق ایصیر ترکن امضا ایدیلن بو وثیقه، و تورک استقلال جدائی آکلایان روحلرک ذلیل بر اثریدر. بو معاهده عاجز بر پادشاهک قیمتسز مرخصلرک بر حرکت مذبوحانه سندن باشقه بر شی دکلدر آرتق بوکا قارشو اناطولونک، تورک ملتک اوزون مدت سکوت ایتمه سینه

صبر و تحمل کو سترمه‌سینه امکان یوقدی . تورك ماتى حاكم بولندينى بر طور اغانى اجنى
عسكر لرینه چيكنته من و حريمى اولره ترك ايله مزدي .

آناطولونك بوناربخدن صوكره آلدینی وضعیت جدید و شدیدہ استانبولہ پادشاہی
معاهدہ بی تصدیق د چکندیرمشدی . وضعیت جدیدی قارشونده اوروپا لیلر بیلہ سہور
معاهدہ سنک اوزون مدت دکل قیصہ بر زمان بیلہ پایدار اولاجغہ اعتماد ایتہ مکدہ ایدی . نتہ کم
ایتالیادہ مقام حکومتدہ بولان (نیتی) بو وثیقہ سیاسیہ نك یاقیندہ قالدہ جغنی و یکی بر حربہ
میدان آچاجغنی ومع هذا بوبلہ بر حرب وقوعندہ ایتالیانك نہ بر اچہ ونده بر عسکر
ویرمیہ جگنی اعلان ایتشدی . آرتق بوندن صوكره بر طرفدن سیاسی فعالیتلر ومادی
فداکارلقلرلہ بومردہ زاد معاهدہ بی قبول ایتدیرمہ چالیشان انکلترہ ایلہ دیگر طرفدن
موجودیت واستقلالنی کرک آوروپاہ و کرکسہ انکلترہ نك تسلط ایتدیکی یونان قوتلرینہ
قارشو مدافعہ عزم ایتش اولان ملی قوتلر آردہ سندہ جتین بر مجادلہ باشلادی .

انکلترہ دولتلری بر طاقم قونفرانسلرہ دعوت ایدرک موجودیت مستقلہ مزہ نہایت
ویرمک اسبابنك استکمالانہ توسل ایتکدہ ، تورك قهرمانلری ایسہ وطنك جانکاهنہ صاپلانمش
اولان یونان قوتلرینی دکزہ دوکٹ امرندہ ایجاب ایدن بالجملہ تدابیری جسورانہ ومتینانہ
اتخاذ ایلکدہ ایدی . آناطولونك غیرتی شوا یضا حاندن دہ آکلاشیلہ جغنی اوزرہ متعدد دشمنلرک
تسلطندن موجودیتی قورتارمہ یہ مصروف ایدی . نتہ کم اسکی روسیہ حدودی داخلندہ
تشکل ایتش اولان ارمنستان ایلہ دہ منع تجاوز ضمتدہ حرب ایتکک مجبور اولدی . ارمنستانہ
غالباً عقد ایتدیکی قارص معاهدہ سی متمادی حربلرلہ یورغون دوشمشکن استقلالنی
آلتمہ یہ تشبہ ایدیلنجہ آرسلا نلاشان تورك ملتک قدرت وقوتنك درجہ سہ نمونہ تشکیل
ایدر . اناطولی قوتلری دشمنلرلہ بوبلہ چارپیشورکن آنقرہ حکومتی غایہ سی استحصال ایچون
اک مؤثر تدابیر سیاسیہ توسلدن بر آن فارغ اولیوردی . سوویت روسیہ ایلہ ۱۶ مارت
۱۲۹۱ تاریخندہ عقد ایتدیکی معاهدہ وفرانسہ ایلہ ۲۰ تشرین اول ۱۹۲۱ دہ امضا ایتدیکی
آنقرہ اتلافنامہ سی بومیانده اک مہملرنددر .

برنجیمی معنوی بر تأثیری حائر ، ایکنجیمی ایسہ خصم جہہ سندہ بر یاری قلق احدانی
مؤدی ایدی . ایتالیا ایلہ تعقیب ایدیان سیاست ، اساساً پایدار اولامیہ جغنه ایتالیا نسیا . یوننك
قناعت کتیردیکی بر معاهدہ نك بر آن اول اورتہ دن قالدیریلہ سہنہ خادم اولدینی ایچون

بزہ قارشو آلتش اولان وضعیت خصمانه نك آنجق انكلتره به انحصارینی استلزام ایتمکده ایدی .

الحاصل قولانیلان سیاست سایه سنده انكلتره بزہ قارشو خصوصیتندہ یالکیز قالمش وصورتی اتحادہ رغماً بواج مهم دولت آرہ سنده بزم ایچون خیرلی برافراق وجودہ کلشدی . انكلتره آرتق اناطولومزہ، حربیم عصمتمزہ تسلیط ایتدیکی یونان قوتلریله متسلی اولابیلردی . چونکہ کوستردیکی عناد واصرارہ رغماً اناطولی حکومتی فعلاً طانیغہ مجبور اولدی . ۲ شباط ۱۹۲۱ تاریخندہ عقد ایدیان لوندرہ قونفرانسندہ اناطولی مرخصلری استانبول مرخصلریله برلکده مذاکراته اشتراک ایتشلردی . بومذکرات اثناسندہ خصوصیتک دوغریدن دوغری به انكلتره دن کلدیکی دیگر دولتلر مرخصلرینک بزہ قارشو طاقیندقلری طوردن قولالاندقلری لساندن تمامیلہ آکلاشیلشمشدی .

ایشته بوسیاست سایه سنده اناطولی حکومتی، مذکور قونفرانسده سه ورمعاهده سنک تعدیلنی اساس اعتباریلہ قبول ایتدیردی . بونی قبول ایتش اولان انكلتره نك خلوص نیتنه بکده اعتماد ایدیلہ مز وینه یونان قوتلرینه استناداً بوتون بووعدلری هیچه چیقارہ جق برطاقم اجراآت خصمانه ده بولنه جغندن شهہ اولونه مازدی . نته کیم یونان قوتلرینی تشویق ایدرک سقاریه قدرصالدیرمق حرکت مجنونانه سیلده فکر مضمری عیان اولمشدر . یونانلیلر سقاریه ده مغلوب اولنجه صلحی کندی آرزولری وجهله تقریر ایتک اوزره دولتلر، ینه تشبثات سیاسیه ده بولدیلر . تورک قوتلری کیریشدیکی بوچتین استقلال مجادله سنده حققی استحصال ایچون باشقلرینک مروتنہ کووه نمکدن ایسه کندی سلاحنک قدرت وعظمتنه ترک مسئله ایتشدی . بناءً علیہ بویوک برغیرت وطنپرورانہ ایله استقلالنی تأمین ایتک غایه سیلہ خلاصه بویوک بر عزم وایمان ایله یونان قوتلرینه هجوم ایدرک هپسفی بک پریشان بر حالده دکنزه دوکش وبقدرزمان قونفرانسلرله حل ایدیلہ مه ین بومسئله ینی بوضورتله حل وبرطرف ایتلشد . بوندن سوکره وضیت یونان ایچون اولدینی قدرانکلر قوتلری ایچون ده کسب وخامت ایلدی . مسئلہ نك اهمیت ووخامتی، لوئید ژورژ قابینه سنی صارصهرق عالم سیاستده صلاحک تقریری ایچون غایت مساعد بر وضعیت احداث ایلدی . ۱۹۲۲ سنه سی ایلولنک ۹ نده ازمیر استرداد ایدیلدی تورک اردوسی اوکندن قاچایلنلر دکنزه دوکولدی . استانبول اوزرینه

یورین قهرمانلرک تهدیدی آلتنده قالان دشمن قوتلری بو وضعیت و خیمه دن قورتیلماق ایچون
 اناطولی ایله مذاکره مجبوریتینی حسن ایشدکلرندن ۳۰ تشرین اولده مدانییه ده مذاکره
 کیریشدیله . ایشته بو سایه ده درکه انکلیز قوتلری بویوک بر ورطه دن قورتیلا بیلدیله .
 مدانییه قونفرانسنده مظفر اوردونک قوماندانی عصمت پاشا ، اون بش کونه قدر تراکیه یی مریجه
 قدر تخلیه ایتمک شرطیله متارکه یی قبول ایتدی . آرتق بوندن سو کره یکیدن دوغان و موجودیتینی
 کندی قدرت و قوتنه مدیون بولان تورکیه نك وضعیت مستقبله سنی صا غلام اساسله بنا ایتمک
 اسبابنه توسل ایتمکدن باشقه برشی قالمامشدی . تعیر دیگرله کرک آوروپا کرکه آناطولی
 حکومتی جمعیت دولیه یه شان و شرفله داخل اولان یکی تورکیه نك هم خصملرینه هم ده
 جمعیت دولیه نك دیگر اعضا لریله مناسبانه اساس تشکیل ایده جک خصوصات و شرائطی
 تثبیت مجبوریتنده ایدیلر . فرانسه ، انکلیزه و ایتالیا طرفندن وقوع بولان دعوت اوزربنه
 بر صلح قونفرانسی عقد ایدیلدی . انکلیزه بو خصوصه ده اویون اوینامقدن چکینموردی .
 قونفرانسه آنقره حکومتی ایله برلکده بر لفظ بی معنا دیمک اولان باب عالی حکومتی ده
 دعوت ایتمک ایسته یوردی . بو دعوت آنقره نك مصیب برتدیریله عقیم قالدی . استانبول
 حکومتی استعفا ایدنجه آرتق دعوت ایدیله جک آناطولی حکومتندن باشقه بر مقام قالمامشدی .
 دهامهم برتدیر اولمق اوزره آنقره سلطنتی خلافتدن آیردیغی ده ۳۰ تشرین اول ۱۹۲۲ ده
 اعلان ایتدی . بو صورتله یکی تورکیه ماضی بی تماماً تصفییه ایتشدی . قونفرانسک ماضی بی
 آکدیره جق یعنی اسکی عثمانلی ایمپراطورانی دوام ایدیورمش کبی بر طاقم مقررات
 اتخا ذینه آرتق لزوم قالمامش و خصملریمز تمامیه اسکات ایدیلشدی . قونفرانس وضعیتی
 ایشته بو صورتله بولدی . شو قدر وارکه حل ایدیله جک مسائل پک چوق و اکثریتی
 پروزی اولدینی ایچون سوء نیتله حرکت ایدن انکلیز مرخصلرینه قارشق حق و حقیقتی
 تسلیم ایتدیره رک حقانیت دائره سنده مسئله لرک حل و انتاجی پک قولای ده دکلدی . بو
 سببدن قونفرانسک مقرراتی ۴ شباط ۱۹۲۳ تاریخنده انقطاعه اوغراد ی ۲۴ نیسانده یکیدن
 باشلایان مذاکرات ، صلح معاهده سنک ۲۴ تموزده امضاسیله ختامه ایردی .
 ایشته لوزان معاهده سی ایضاح ایتدی کمز اسباب تاریخیه ، سیاسی و اجتماعی نك محصولی
 وتورک ملتک قیمتدار بر اثری و یکی تورکیه نك حجت موجودیت واستقلالیدر . هر حالده

بوصالح معاهده سنده تورك ملتك قدرت و سطوت و حیات سیاسیه و اجتماعیه مزده کی انقلاب
معهودك تأثیر بارزی کوریلور . تورك ملتق لوزان معاهده سنده تقدم ایدن حادثاتده یالکسز
دشمنلرینی ازمش دکل عینی زمانده اوزون مدت دوام ایتمش اولان سوء طالعده غلبه
چالمشدر . لوزان معاهده سی تورك ملتنه یکی بر افق اچمشدر . بونك قیمت اجتماعیه
و سیاسیه سی حقیله تقدیر اید . بیلیمك ایچون حقوق دول نقطه نظرندن ده قیمت علمیه سی
حاده تدقیقندن کچیرمك ایجاب ایدر .

حقوق عامه مدرسی

مهمه راسم

